

武林金石記

武林金石記殘本序

丙寅五月廿日雞籠山王承榮家坐雨對五老峰校錫曾手識

是書卷之存者僅四五六七八九十共六卷其九卷又僅一十四張而前後葉皆缺第十卷僅十張而前後葉亦皆缺又目錄所存惟三葉而已無從覈其卷之數目張之多寡也且不著撰書人姓名鮑丈綠飲曰此買得於荒貨店中惜其在婦人洗脚桶中因爲購歸聞店主買得於倪姓今讀其書有引樊榭丈詩與家大人姓氏似著書者爲倪山友先生也向在郁陞宣兄家鈔得先生六藝之一錄凡例兩條一記先生著有武林金石記云鈔撮西湖志之所載而成一記

趙誠夫爲家大人序武林金石錄一篇云乃知此書  
采摘於西湖志而西湖志文原本於家大人之武林  
金石錄也山友先生不沒人善攘作已有而又恐後  
人不知西湖志中金石之本於家大人也其用心亦  
厚矣哉六藝之一錄今已進呈 御覽採入四庫卽  
士人獲志於功名例讀中秘未必深悉此書之由來  
也而矧此殘缺無稽者乎因略數源委弁於副本之  
前并附入趙序一篇凡例二條所謂趙有兩毛遂魯  
有兩曾參庶幾不惑焉乾隆壬寅八月望日魯齋丁  
傳記事

叙武金石錄遺事

嗚呼通經學古之儒顧不以金石文字爲綦重哉蓋  
華賤尺素不閱世而雲烟過眼獨鐘鼎彝器及穹碑  
短碣大書徧勒永久不磨蘇文忠公石鼓歌云人生  
安得如汝壽深有謂也吾杭佳麗甲於東南琳宮梵  
剎鬱乎相望田副使西湖遊覽志稱唐已前有三百  
六十寺錢氏立國宋室南渡增至四百八十寺道院  
祠廟猶不與此數而且林泉秀美公卿賢達往往投  
足題名留詠傳播方隅又高宗御書石經今置郡庠  
吉金貞珉觸目斯在嗟夫海內風氣所趨名山勝概

多矣其或深陵窮谷卽有前哲遺塵大都委棄于荆榛狐兔之場鮮有過而問焉者惟是武林諸山去會城數十百里而近好事者升高眺遠不辭勞瘁快覩瑰奇則其人蒐討之功洵不可沒已城內隱君丁敬敬身氏某所師事博學嗜古朋儕交讓芒屨策杖凌厯幽邃訪求唐宋以來金石刻文大小幾三百通親率徒役伸紙瀆墨輕摹審搨更欲作考以徵放軼并道其頻年勤苦之狀惜未暇也今年春崑渠倪先生出示六藝之一錄其中金石一集殫述舊聞採掇略備某輒不自揆舉曩者所見古刻爲請先生欣納焉

爰仿劉次莊法帖釋文之例凡楮幅之廣袤字形之點畫爲之條分而縷晰鱗次而櫛比已復詢其端末乃以隱君對先生毅然動容曰余豈可坐享其利而陰竊其名哉某拜手以謝曰安得此長者之言乎尚憶雍正庚戌辛亥間敕修浙江通志於南樞關署制府李敏達公辟召英俊之彥命兼修西湖志董其事者以舊志具有碑碣而咸淳臨安志亡失此卷成化杭州府志有目無文意欲補輯苦無底稿莫能措手衆咸推隱君于是盡發秘藏重加詮訂迨書成而不列隱君姓氏曰夫夫也亦足與名不朽耶某積不平

懷抱者耿耿十年於茲矣今先生大反前轍謙不自居虛中而受難可測量彼懷愷立心者徒僂僂徊徊神昏志忒又烏知隱君之獲此名蹟固非尋常涉獵所能卒致也當其風雨寒暑之弗避蛇虎肆毒之弗畏飢則飡霞倦則憩石晨出酉入遂邁痠瘡自言曾經某地遇鐫鑿隱隱可辨處鼓勇卽之返則取徑甚微浮土堦堦有聲左右懸崖絕壁設一蹉跌下臨無地偃伏移時髮豎股栗有樵子導從迂路始還人皆以昌黎登華山事擬之蓋瀕於危者屢矣而終不因之或悔也若乃盜其有而靳其名妨公害能仁人君

子之用心宜不如是況以湖志之蕪穢果何足辱隱  
君隱君之傳寔係於是書之載與不也某詳論往事  
俾後之覽者知誦法先生之盛德於以礪薄俗而崇  
古學殆庶幾乎殆庶幾乎瓊花街里人趙一清撰

武林磨崖石刻乃城南丁君敬身攀蘿捫葛窮幽極  
險而撫得之者今則尋繹文字較量尺寸注明處所  
勒成一編庶不沒其登涉之勤蒐羅之苦云爾又云  
向從趙氏小山堂借得拓本爲之尋繹文字較量尺  
寸注明處所勒成八卷友人借閱遂至浮沈今則手  
鈍目昏不能再輯然會城文獻不可闕也因以西湖



志所載者錄之然而遺漏者亦多矣

山友先生著述今皆散失右趙丈誠夫叙一首倪  
先生六藝之一錄凡例二則尚從先生手稿中鈔  
得手稿今藏郁陞宣兄處共有五種皆序目凡例  
而已一爲傭吹錄一爲周易四尚一爲六藝之一  
錄一爲破虱錄一爲蘭亭譜也丙戌十一月冬至  
後五日丁傳記

武林金石記目錄

吳隱編次

第一卷

御書題刻

聖因寺額 六聯七詩

淳泉題字 額詩

敷文書院額

崇文書院額

錢王祠題字

褒忠亭題字

錢塘江詩二

大觀臺詩

湖心亭額二詩二

玉泉詩

放鶴亭額 詩 舞鶴賦

西溪詩

大慈定慧禪寺詩二

蘇堤春曉題字 碑

雙峰插雲題字 碑

花港觀魚額 碑

柳浪聞鶯額 碑

曲院風荷額碑

平湖秋月額碑

南屏曉鐘題字碑

三潭映月額碑

雷峰西照額碑

斷橋殘雪題字碑

雲林寺題字額聯詩三

上天竺講寺額碑

中天竺禪寺題字

淨慈禪寺額聯詩碑

清鏈寺詩

雲栖寺題字

額

詩

四

理安寺題字

二額

二聯

四

四照亭額

湖山神廟額

聯

第二卷

學宮碑刻

南宋高宗御書石經

石經歌

宋理宗御書道統十三贊

元聖旨碑

元西湖書院重修大成殿記

元重建廟學碑

又

第三卷

武林金刻

金塗塔

淨慈寺鐘

尊勝寺鐘

上天竺鴈陽樓鐘

西天元興寺銅鐘題記

第四卷

梵寺經幢

霽隱寺經幢

又經塔

天竺寺經幢

龍興寺石幢

梵天寺經幢

淨化寺經幢

虎跑寺經幢

觀音寺石幢

武林經刻

金剛經

觀世音經像碑

四十二章經

長明寺心經

崇聖寺諸經

第五卷

南山磨崖

家人卦



樂記

中庸

琴臺二字

三生石三字

周昌題名

張若谷等題名

鄭戩等題名

鄭民瞻等題名

蘇溫雅等題名

浦延熙等題名

魯元翰題名

王廷老等題名

晁仲舒題名

少林二字

艮卦爻辭

損益卦象辭

雲壑二字

蒼谷題名

左傳晏子語

陳襄等題名

武林金石記目錄

五

世宗皇帝御製  
出陰吳氏選金  
石書

王廷老等題名

魯元翰題名

王廷老等題名

潛說友題名

員嶠真逸題名

施振等題名

沈嘉等題名

楊采兒只班等題名

煥著等題名

石屋二字

燕谷二字

雲窩二字

吳涵石屋洞詩

姚原道等題名

賈似道等題名

乾祐鑿佛贊

大德鑿佛記

清響二字

王廷老等題名

尹彥明等題名

大佛字

蘇軾等題名

玉岑二字

邱郊等題名

蘇軾等題名

龍井山方圓菴記

神運石題字

葛采詩

林景度等題名

方豪等題名

第六卷元缺

第七卷

錢武肅王慈雲嶺題名

佛法僧三字

雲泉二字

宋仁宗佛牙贊

石龍淨勝院捨田記

沖羽書心印銘

錢倩仲題名

建庚申勝會記

瑤華洞三字

錢倩仲題名

錢武肅王郊臺題名

錢武肅王排衙石詩刻

御教場石刻四通

鳳山二字

王大通等題名

勝果二字

忠實二字

躍雲二字

吳山磨崖

諸葛鑑元等題名

東坡寶成院賞牡丹詩

前度劉郎詩

薩天錫游紫陽洞詩

第一山三字

見滄二字

麻曷葛刺佛碑

附屬大興詩

墓碑

吳越錢文穆王神道碑

武林金石記目錄

八

四於印社影宋珍本  
山陰吳氏題金刻書



表忠觀碑

增重刻

岳鄂王像碑

夏言滿江紅詞碑

盡忠報國四字

杭州路放生池碑

鄭處士墓碣

第八卷

北山磨崖

李公謹等題名

李谷題名

蘇子容等題名

□公□等題名

蘇子容再題名

朱裳題名

搏雲二字

元國書碑

元鑿佛贊

又飛來峰鑿佛題名六通

射旭洞鑿佛題名

龍泓洞鑿佛題名

青林洞鑿佛題名

周伯琦理公巖鑿佛記

理公巖三字

龍泓洞三字

烏重儒題名

孫覺等題名

蘇頌等題名

高荷題名

李琮等題名

楊景略等題名

胡宗師等題名

陸德輿等題名

潛說友題名

賈似道題名

亢氏也先帖木題名

郝璿等題名

查仲道等題名

查應辰等續題

錢德範等題名

沈遼等題名

沈立等題名

晁端彥題名

趙善郊等題名

石景衡等題名

道宗等題名

連道善等題名

盧元輔游天竺詩

張奎等題名

王競等題名

沈遼等題名

韓世忠題名

冷球等開天竺路題名

源少良等題名

王澹等題名

蕭悅等題名

路公弼等題名

吳棫等題名

三生石三字

趙箕翁等題名

吳璞等題名二刻

閻二定住題名

周伯琦題名

李良等題名

楊瑀等題名

曹潛夫等題名

王達等題名

賈似道題名

款賓臺三字

臥雲二字

歲寒巖三字

施儒等游湖倡和詩

寶石山磨崖三刻

磨崖補遺

才翁題名

趙伯衛題名

祖無擇等題名

朱文公題名

梁安世等題名

游茂先題名

周之祥等題名



尚綱題名

靈洞二字

青虛洞天四字

開襟二字

楊繪等題名

趙抃題名

蘇軾等題名

虞用晦題名

陳古題名

蘇軾等題名

第九卷

元鈔缺第一葉

開化寺六和塔尚書省牒碑

牒文因缺葉不全

虎跑寺碑

唐杭州大慈山中禪師事跡

虎跑泉銘

蘇東坡遊虎跑泉詩

高麗寺碑

慧雲寺碑

捨宅誓願疏文

第十卷

元鈔缺第一至十一葉

祠廟碑

前有殘缺入行元無日未審係何碑之跋

昭貺廟碑

宋太學靈通廟尚書省牒碑

附碑刻目

武林金石記目錄終

武林金石記第一卷

錢塘 丁敬 敬身

聖祖仁皇帝御書

聖因寺 在錦帶橋西孤山之南康熙四十

六年

聖祖仁皇帝南巡幸浙臣民欣忭愛戴遂於斯地恭  
建

雍正五年巡撫李衛奏改爲聖因寺

駐蹕旬日

親灑宸翰書扁額對聯正中

御題曰澄觀齋聯云

雲窗靜挹峰巒秀

花徑平分松竹香進內

御題曰涵清居聯云

入座烟嵐鋪錦繡

隔簾雲樹繞樓臺進東

御題曰西湖山房聯云

蒼靄望中收四面湖光依几席

薰風行處徧六橋花柳間桑麻更東

御題曰攬勝齋聯云

花雨潤時沾翰墨

竹風清處韻琴書

聖製行宮雨中望吳山詩云檻外青山縱自收繁  
花初露葉新稠更教點染烟雲色添得窗前翠欲流  
進西爲花園有亭

御題光碧二字聯云

千峰林影簾前月

四壁湖光鏡裏天有樓曰萬歲樓

御題雲岫二字聯云

螺尖滴翠峰千疊

鷺尾凌霄竹萬竿又

御書程子詩一聯云萬物靜觀皆自得四時佳興與人同

亭泉 在聖因寺園內巖石下寒碧一泓澄澈如鑑

御題曰亭泉 石壁摩崖刻

聖製詩一首 臨池懷雅則采秀在山清每念風波  
息心寬與水平 內方丈西爲 御碑亭舊名

雙桂亭巡撫李衛恭摹

御書扁額勒石崇奉

敷文書院 在鳳凰山西嶺宋爲報恩寺元  
廢明弘治十三年浙江右叅政周禾因廢寺  
舊址改建萬松書院歲久盡圯康熙十年巡  
撫范永謨重建康熙五十五年巡撫徐元夢  
奉

聖祖仁皇帝御書浙水敷文四大字敬懸中堂并勒  
石焉

崇文書院 在跨虹橋康熙四十四年

聖祖仁皇帝御題正學闡教四字

賜爲額爰鼎新之榜曰崇文中爲饗堂闢其左爲亭



敬摹

御書勒石崇奉

錢王祠

在湧金門外舊名表忠觀雍正五

年

勅封誠應武肅王總督李衛飭屬員重建於正殿前

構堂三楹恭奉

聖祖仁皇帝御書保障江山四大字勒諸貞珉以旌

靈爽

褒忠亭

在孤山路口關帝廟左爲前分巡

溫處道陳丹赤建丹赤死祖弘勳之難康熙

三十三年

詔贈通政司通政使諡曰忠毅

聖祖仁皇帝御書名垂青史四字以賜因建是亭恭

摹勒石

錢塘江 康熙三十八年恭逢

聖祖仁皇帝巡幸浙江

御製錢塘江潮詩一首 相傳水岸雪崖勢滾滾掀

翻湧怒濤風靜不聞千里浪三臨越地識江臯

康熙四十六年

聖駕再巡至浙由江上幸雲棲舟中

武林金石記卷一

四

山陰吳氏選金石記

御製詩一首 鳥道沿江問信潮石頭恬靜有歸橈  
轉移至險看洄狀盡得人防莫失調

大觀臺 在紫陽山之巔

聖祖仁皇帝嘗駐蹕於此

御製詩一首 左控長江右控湖萬家烟火接康衢  
偶來絕頂憑虛望似向雲霄展畫圖

湖心亭 居全湖中心四面臨水上爲層樓  
四望羣山環立如屏康熙三十八年

聖祖仁皇帝臨幸西湖

御書靜觀萬類四字懸於亭楣又

御製五言律詩一首 湖光開瀲灩臨幸及芳時微  
翠堆山色輕香拂水湄浮雲看自動畫鵲覺平移  
靜坐觀羣類資生得所宜 又於樓上

御書天然圖畫額

御製五言絕句一首 水上起樓臺湖面平如鏡春  
風吟柳條遠與山光映 恭摹勒石立於亭中以  
垂萬古斯亭之勝爰甲天下矣

玉泉 在清鏈寺南色清而味甘甃石爲池  
方廣三丈許清澈見底中畜五色魚康熙三  
十八年

聖祖仁皇帝南巡幸寺

御製七言詩一首 度嶺穿雲路始平停鑣聊憩小  
池清游魚自有悠然意豈識乾坤造物宏

放鶴亭 在孤山之陰宋和靖處士林逋之  
故廬也有墓在焉上多古梅康熙三十八年

聖祖仁皇帝駕幸亭中

御製五言詩一首 處士人何在山前夕照來亭空  
不見鶴磴古尚留梅楊柳縈烟嫩棠梨遇雨開今  
朝閒繫艇還是愛賢才

御書放鶴扁額並舞鶴賦大字一幅恭勒穹碑建亭

於放鶴亭之上

西溪 在西湖北山之陰由寶石山背陸行  
繞秦亭山沿山十八里爲宋時輦路抵留下  
相傳高宗定都臨安時欲居此後卜地於鳳  
凰山遂云西溪且留下故名康熙三十八年  
聖祖仁皇帝駕幸西溪

御製五言詩一首 十里清溪曲修篁入望森煖催  
梅信早水落草痕深俗藉魚爲業園饒笋作林民  
風愛渟樸不厭一登臨

大慈定慧禪寺 在大慈山俗稱虎跑寺萬

五木合二言一

山陰吳氏選金石叢書

麻杭州府志云虎跑泉在大慈山上泉清冽而甘寒與龍井玉泉相伯仲康熙二十八年

春

聖祖仁皇帝南巡幸寺

御製虎跑泉詩一首并序

西湖自昔畫舫笙歌之地朕茲行志本省方止一覽其山川風土未嘗片刻停驂尚食但飲虎跑泉水一勺耳

松林帶餘雪空山啼百舌石榴響涓涓寒泉自清  
潔 三十八年春

聖駕再幸西湖復至虎跑又

御製七言詩一首 靈泉湧地寒侵骨勝跡名高著  
虎跑似恐被人頻汲取一泓清迥出山坳

蘇堤春曉 宋元祐間蘇軾築堤湖上自南山抵北山夾道植柳林希榜曰蘇公堤康熙三十八年恭遇

聖祖仁皇帝南巡

御書蘇堤春曉爲十景之首爰建亭於望山橋之南  
敬懸

宸翰并勒貞珉於亭內



雙峰插雲 南高北高兩峰相去十餘里中  
閒層巒疊嶂列峙爭雄而兩峰獨以高名山  
峰高出雲表時露雙尖宋人稱兩峰插雲康  
熙三十八年

聖祖仁皇帝臨幸西湖

御題十景改兩峰爲雙峰構亭於行春橋之側適當  
兩峰正中崇奉

奎章并恭摹勒石

花港觀魚 蘇堤第三橋曰望山水名花港  
有朱內侍盧升園鑿池甃石引湖水其中畜

異魚數十種稱花港觀魚今廬園久廢建樓  
於花港之南奉懸

聖祖仁皇帝御書花港觀魚扁額樓北建

御書碑亭

柳浪聞鶯 柳浪橋宋時在清波門外聚景  
園中今已無考康熙三十八年

聖祖仁皇帝御書柳浪聞鶯扁額崇奉於湧金門之  
南創建亭榭恭勒

御碑

曲院風荷 九里松旁舊有曲院宋時取金

沙港之水造麴以釀官酒其地多荷花舊稱  
麴院荷風康熙三十八年構亭於跨虹橋之  
北引流疊石爲盤曲之勢

聖祖仁皇帝親灑宸翰改麴院爲曲院易荷風爲風  
荷恭製扁額并勒貞珉

平湖秋月 宋祝穆方輿勝覽序西湖十景  
首平湖秋月蓋湖際秋而益澄月至秋而逾  
潔也宋時有龍王堂在蘇堤三橋之南明季  
移建於山路口據全湖之勝後圯康熙三十  
八年

聖祖巡幸西湖建亭其址前爲石臺上懸

御書平湖秋月扁額旁構水軒恭摹勒石

南屏曉鐘 南屏山在淨慈寺右興教寺之

後寺鐘初動山谷皆應蓋茲山隆起內多空

穴故傳聲獨遠舊稱南屏晚鐘

聖祖御書十景易晚鐘爲曉鐘

傳謹按元人周密蘋洲漁笛譜有南屏晚

鐘詞

聖祖御書亦作晚鐘今有碑可憑也

崑崙先生據新修西湖志而誤晚作曉耳一

目諸前輩在聖因會詩亦據湖志謂家大人

稱晚鐘之非恆公買舟濯湖看御書碑爲

大人作證蓋夜氣方清天籟俱寂鐘聲乍起響入

雲霄致足發人深省也建亭於寺門之前奉

懸

睿藻並恭摹勒石於池北更建碑亭

三潭映月 名勝志云舊湖心寺外三塔鼎立相傳湖中有三潭深不可測故建浮屠以鎮之弘治年毀萬厯間濬取葑泥繞潭作埂爲放生池池外湖心仍置三塔以復三潭舊名月光映潭分塔爲三故有三潭映月之目池上構亭恭懸

御書爲額復建小亭於池北以奉

御碑

雷峰西照 淨慈寺北有山昔郡人盧霞按

雷字就居之因名雷峰吳越王妃建塔於峰

頂每當夕陽西墜塔影橫空此景最佳故十  
景有雷峰夕照之目

聖祖仁皇帝御書改夕照爲西照遂於雷峰築亭以  
奉扁額因摹穹碑於亭後

斷橋殘雪 出錢塘門循湖而行入白沙堤  
第一橋曰斷橋界於裏外湖之中凡探梅孤  
山蠟屐過此輒值春雪未消不啻如玉山上  
行

聖祖仁皇帝特書斷橋殘雪蓋以積素凝華實爲三  
農瑞應也爰於橋上構亭中懸

宸翰更勒豐碑於橋北

雲林寺 在武林山之陰北高峰下卽靈隱  
寺康熙二十八年

聖祖仁皇帝南巡幸寺

御製靈隱寺詩一首 靈山含秀色鷺嶺見嵯峨梵  
宇盤空出香雲繞地多開襟對層碧下馬撫烟蘿  
羽衛聞來往非同問法過

親灑翰墨書雲林二字

賜名雲林寺三十八年

聖駕再幸雲林

賜御書禪門法紀額又

御題一聯云禪心澄水月法鼓聚魚龍

御製雲林寺詩一首 無爲幾事少問俗駐林邱衛

騎森嚴滅爐烟鬣鬣浮鳥啼香界古花綴梵筵幽

野徑春風引輕鋪細草柔 康熙二十八年

聖祖仁皇帝駕幸靈隱

御製飛來峰詩一首 巖岫凌霄洞壑奇懸藤古木

半迷離冷泉亭下清溪上誰識源頭混混時 三



十八年

聖駕再幸雲林

御製靈鷲詩一首 何處飛來一塊石嵌空岩竇作  
玲瓏下臨巨澗淙淙冷上蔭長松謾謾風 四十

二年

聖駕又幸雲林

御製再過鷲峰詩一首 愛此清幽一徑深馬隨泉  
響入雲林蒼苔古洞何年鑿脉脉韶光自賞心

右詩皆恭摹勒石崇奉於雲林寺中

上天竺講寺 在天竺乳竇山北白雲峰南

三十八年

聖祖仁皇帝南巡兩幸寺中

賜御書法雨慈雲額

御製重修天竺寺碑文

朕御厯凝庥心周區域省方設教蹕駐湖山眷茲  
民力於東南距止皇輿之名勝若乃因其舊蹟無  
侈前觀則天竺寺之所由重修也粵惟鷲嶺著於  
西方法輪則一竺峰麗名南國名刹維三固緇梵  
所薰修亦仙靈之窟宅潮音送響遙接普陀塔影  
橫空長留舍利瑞光發於澗上奇木像大士之容

白衣感夫夢中淨域建看經之院或旱乾閒作禾  
麥告枯而旛蓋來迎霽雨濡作有禱輒應無福不  
臻斯固厯晉宋以迄今實亦載簡編而可信意者  
能仁之量等於好生佛道之成□乎民隱推是指  
也不其偉歟將使般若之門隨方而啓仁壽之域  
舉世咸登有其興矣曷可廢哉朕曩者欽奉

慈闈式臨茲宇自芳湖而西顧望初地以南循輦過  
花迎旌迴雲捲巖深乳竇含珍珠之寶光峰轉飛  
來帶琉璃之紺色百靈斯護七聖不迷既祝我

皇太后壽履康寧復冀凡茲庶民室家盈慶然則釋

迦之弘慈與國家之布德豈有殊也顧念山靈如  
昔寺貌未新

皇太后爲國發心爲民祈福特申

慈命重葺香林茲役之興不妨民事凌雲再煥將無  
乾竺之靈□日成功實篤坤元之慶恒沙國土偕  
常樂以同升億萬蒼生享太平而無極是則我  
皇太后之聖心依然釋迦之心而於朕經營天下利  
濟生民之心亦適有愜也夫

中天竺禪寺 在稽留峰北康熙四十二年  
聖祖仁皇帝南巡幸寺

御書靈竺一慈緣四字額

淨慈禪寺 在南山慈日峰下康熙三十八

年

聖祖仁皇帝南巡幸寺

御製由淨慈經南屏諸山詩 紆曲南屏路欣隨步

輦來

時奉  
皇太后觀覽

鳥飛驚玉仗花落點經臺邃閣

聞松籟疎籬迸竹胎雙峰高不極更在白雲隈

賜御書淨慈寺額并西峰二字又對聯一副云

雲間樹色千花滿竹裏泉聲百道飛 康熙四十

六年

聖駕再幸奉 旨重修四十九年工竣

御製重修淨慈寺碑文

蓋聞寶界三千咸歸淨業珍臺八萬同證慈航施  
布地之銀衣國名舍衛供彌天之珠樹園號祇桓  
自靈鷲西來至玉函南渡層軒飛閣起鹿苑於湖  
山芝蓋花幡記伽藍於崖谷皆爲選佛之場實是  
棲真之室杭州淨慈寺者周顯德年締構也宿尊  
入夢殿開永明白足藏書堂開宗鏡擔經錫杖卓  
石上之奔泉飯法金魚伏亭前之寒井南屏山色  
螺翠千盤北岸波光琉璃百頃高柯映戶時來獻

果之猿修竹參霄常見銜花之鳥數經營於越角  
已歷多年論景致於浙江信稱勝地乃者僧人不  
戒難返風輪遂爾象教延災適遭火劫禪基未續  
道跡將湮朕周覽餘杭巡行南國惜茲善果結此  
福因命集工徒重葺院宇蘭楣桂棟出炎網而煥  
金繩藻梲雕題化崑岡而爲玉闕巍峩琳殿偕蓮  
座以俱新璀璨瑤幢對雷峰而並立飄孤山之香  
雪居然花散維摩舞方丈之長松依舊風清羅漢  
龍天護法鬱東嶺之烟霞獅象宣音應西興之鐘  
鼓蛟藏江浦再聽梵音鶴下晴空還看瓶刹智燈

回照顯色相於已傾慧日高懸鎮檀林而永固俾  
下域顧瞻淨土時懷常淨之心願羣生感化慈緣  
悉發大悲之隱用摘紫翰述壯麗之規模爰勒青  
珉標建修之歲月

康熙四十九年十一月穀旦

清蓮寺 在青芝隄卽玉泉寺康熙三十八  
年

聖祖仁皇帝南巡幸寺

御製玉泉有五色魚

賜名清蓮寺詩、錦鱗游泳漾波紋隱蘊穿蘋暗作



羣濠濮會心原不遠清鏈題額與傳聞

雲栖寺 在五雲山之西梵村康熙二十八

年

聖祖仁皇帝南巡幸寺

御製五言律詩一首 山徑紆徐合溪聲到處聞竹

深陰戛日木古勢干雲倚檻聽啼鳥攀崖採異芬

韶華春已半萬物各欣欣 康熙三十八年

聖駕再幸

御製雲栖寺詩一首 江路轉隈隩山行愜心賞古

樹與茂竹翳蔽極深廣潺潺細泉流萋萋芳草長

其際春之暮天氣堪俯仰鳥性鳴晴曦蜂蝶爭下  
上巡省厯窮谷所至察萬象

御書雲栖二字及松雲間扁額巡撫張敏恭摹勒石  
建

御書亭康熙四十二年

聖祖再幸寺中

御製過雲棲憩竹林下令入廁笋廚蘭詩 尋春二  
月幸雲棲滿目天光入品題密林布蔭漁樵樂幽  
柏成行蕙芷齊浴手臨泉開籜筍傍巖倚石選蓬  
蓂餘杭風景西湖勝未若山中待竹迷

御製雲棲歸途遇雨詩 錢江風雨促前旌竹樹繽  
紛細草萌夾岸黎元瞻拜切頻施膏澤愜民情

理安寺 在南山十八澗舊名法雨寺康熙

五十三年

聖祖仁皇帝御書理安寺扁額奉懸山門又  
賜石磬正音四字崇奉佛殿正中又

御題對聯二副

法雨晴飛遶殿香雲至

天花晝下交空瑞日懸

勢到岳邊千峰環秀色

聲歸海上萬水拱洪濤奉懸殿柱

天章炳煥勒石名山永垂千古云

恭紀

世宗憲皇帝御書

理安寺 雍正五年十一月

世宗憲皇帝御書慈悲自在扁額奉懸藏經樓又奉  
賜曹溪人瑞四字崇奉法堂又

御製對聯二副云

成佛念輕縱然自在還爲妄  
度生心切須信慈悲也是貪

杖履得回遊子脚

葛藤灰盡老婆心奉懸方丈

四照亭 雍正七年總督李衛建亭於孤山之巔全湖按如指掌

世宗憲皇帝御題雲峰四照四字  
頒賜爲額

湖山神廟 在岳王祠西南前臨金沙澗後爲烏石峰總督李衛創建祠宇奉湖山之神  
池西一隅闢地爲園盛蒔卉木中構高樓恭  
奉

欽賜臣李衛

御書竹素園三字額懸於正中並奉

御題花枝入戶猶含潤泉水侵階乍有聲對聯一副  
日華雲爛輝映湖山矣

武林金石記卷一終